

華東稀見方志文獻 第二卷

中國華東文獻叢書



中國華東文獻叢書·第一輯

華東稀見方志文獻

第二卷

甘肅省古籍文獻整理編譯中心
中國華東文獻叢書編輯委員會
編

本卷目錄

松江府誌

一

〔崇禎〕

方岳貢修

陳繼儒纂

.....

〇〇三

【崇禎】方岳貢修 陳繼儒纂

松江府志

一

〔崇禎〕《重修松江府誌五十八卷》，明方岳貢修，陳繼儒纂，崇禎四年（公元一六三一年）刻本（序）。白口，單魚尾，四周單欄。半葉九行，行十八、十九字。

方岳貢，字四長，生年不詳，卒於崇禎十七年（公元一六四四年），襄樊谷城（今湖北省襄樊市）人，歷官松江知府、山東副使兼右參議、左副都御史、東閣大學士，至戶、兵二部尚書兼文淵閣大學士。陳繼儒，字仲醇，號眉公、麋公，生於嘉靖三十七年（公元一五五八年），卒於崇禎十二年（公元一六三九年），華亭（今上海市松江區）人，有《妮古錄》《陳眉公全集》《小窗幽記》等。卷前有曹文衡、方岳貢、董其昌、陳繼儒及余廷諤序文。

松江府誌序

東南雄郡四而松居一焉在春秋時
猶居蠻貊之後逮赤烏而文物盛起
遂甲江表孫吳以之衛建康而瞰許
潘則星土亦有運會俞余叨敏吳

松江府志

序一

於所謂四雄郡者海陬江分軍民利
契根苑所係每夙夜覃維以無負
簡書然毘陵京口俗囂寔悍蘇雖外
腴疥癢已甚而松於屬郡中斗僻
一隅桑府魚鹽沃野鋪塍得三泖

潞其涼蓋既非子午道雖於輶

尉傳絕遠屬世承平島夷解辯海
上鮮覓零之警其人民禮讓葆大
省嬉遊猶有昔時麗秀之氣蔥然
一淳國也郡故有誌久湮漫不理其

松江府志

序二

事蹟概多興革檄二千石謀之博士
掌故給筆刀燎煜鑒總條貫鱗次
而損益之煥然昭整使輜軒使者得
以攷究微眚知善敗而繇文治之功於
是為鉅夫治貴循本善化者不易民

而理君子之於國也非徒身主之軌而
又將以為後瀆以今日之松計之其入
材如機雲遜抗功業隆映南國者猶
昔也其徭賦瑤琨條蕩貢金三品
厥賦下上錯者猶昔也鳳山龍江

松江府志

序三

環石茅城而紫帶隄蕪精熒而猶
昔也而觀風問俗者不無江河日下之
感則夫起衰剔蠹嘘凋起而予之膏
沐匡襄泆而惠之賦雅長吏之拊循與
師儒之倡率其必有方矣誌者志也

漢稱職志當使採風謠者望如旄
焉而是編考班軌部抑何類哲列
眉也志甫葺會余膺

綸

召祝輟首塗古者土訓氏得以山川

塞土俗嫩郁詔王況今

松江府志

序四

海

虞右文東南股肱郡尤宵旰虛

有如

清問三江水利何狀度定而予得藉手

誦說則是書固保乂之元龜勸謀之

丹青滕之籍府可訓可傳者哉

賜進士第通奉大夫

欽差總理糧儲提督軍務兼巡撫應天


等府地方都察院右副都御史奉

特旨欽名陞兵部右侍郎中原曹文衡

書

松江府志

序五



志序

志者識也。備志者多侈言山川人物風土之盛麗，以為蔽郡觀而予不然。志以志吾過而已。松江郡志前正統辛未脩者，文僖東江顧公浚崇禎辛未脩者為不

松江府志

序

一

四

倭貢屈指甲子，蓋兩週也。一百二十一年掌故章備手諸君子以文我陋，編纂明倫歲日，奇行覽志而喜可知也。而予愧乃滋甚，招賦煩役重徵者，編者不能去其太甚，且或甚之中人之差，一經踐更，身非我

有遑問田廬予孳，講求而艱
若乖錯猶昔則覽志而愧粟米
布縷魚鹽之利親稱東南陸海
然糊口則盈終事則拙力作游惰
衆半而處焉稍獲餘羨修汰耗
其三健訟耗其三博徒惡少年耗

松江府志

序

二

其三舛腹中枯甘心通賦者累，矣
予援挽隄防而彫瘵頑靡猶昔則
覽志而愧小津大川田錯如繡十日
不雨高者龜坼一雨十日下午者竟沒
予躬行相視且濬且築而崩噓嗟
滋慘昔則覽志而愧凌暴成習莫

以為非冥勢而擁百計贊輒有造
患投之者矣慮患則身請為奴主
人朝矣夕冷即朝趨而夕救之而轉
以凌暴他氏者比也余禁戢澹無
貨而極而不格心猶昔則覽志而愧
積貯大命天災時有待蠲待賑溝

松江府志

序

三

濬已盈區、朽粟二千濟事能幾近
雖薄有存積而適諱備偏捐未也
則覽志而愧松故腹地第百里之叔
僅與倭爭一帆耳而內盜不時零蕞
皆微桑富艾事也三季來雜堞備
輔成何戎器除穢哉何伍荷屯藉

松江府志

序

四

整摺筆何則覽志而愧之穀者皆
予三年內慷慨而未敢懈者猶舉
少而廢多或似備而實墜其為吾
精神所未及周者馳又何如而予
愧固無終極矣猶是物力而遠餉津
糧則前之辛未所未有猶是征輸
而索通及於八年考成及於零雜則
前之辛未所未有賦日重日急民益
困民益困俗日偷以一百二十年積
重之弊拯之急之若援溺而貢且屑
屑焉簿書期會是問不遑攷掌故
而師前吳舊有志從弗志耳故

余以備

聖宮之餘董備郡志志郡事也併
以志我過屬有采薪之憂旦晚解
組後我而守者亟為我憾之

裏西方岳貢書於退思軒時

清和月之廿二日

松江府志

序

五



重脩松江府志序

其昌憶當蚤歲西蜀

至公謀續郡志陳太史

伯求曰郡當甲寅乙卯

用兵之後勞臣戰將烈

松江府志序

婦貞女尚在故老之口

失命不紀遺恨千秋嗟

此二千石守長教訓正俗

之事後時猶病況久廢

未滿乎又三十年而閣

學陳文憲公疏脩本

朝正史有

治天下郡國皆脩志乘

亟進史局於是文淵閣

書目驟增其半吾郡但

松江府志序

以舊志應當是時主盟

者有陸文定羽翼者有

周敏三四君子文獻非不

足也而東郡許公道謀

竟成憲和脩志之不可異

松江府志序

三

以此今郡大夫禹脩方公
政成廉善才擅史長禮
樂當百年之興是非扶
三代之直慨然以續脩為
已任驅車山中授簡陳
予就方正學先生之祠而
揚挖焉公曰嘗夢世而華
討此昌黎之所懼也敢為
賢者累抑孔子作春秋
於隱桓則章於定哀則

松江府志序

四

徵請以人物志新自
肅廟之內宣庫篋定論
已成大書無忌宣惟先
賢者舊月旦森然而揭
車湘芷區別於士林構
机騶虞並登於民監
之義例如此若乃千
萃而成裘衆材備而作
室則通郡之事目日繁
舊志之網羅猶略士大夫

欣逢曠典仰贊芳
規莫不表其縹緗
波散失說銓腹笥
四面畢陳竊簡殘
編一朝大出豈有
乘軒之採拜爵

松江府志序

五

之酬哉則公之德
亮所風動遠矣公
嘗盟於正學之祠
以穢史謗書為
戒惟茲兵農錢穀
賦役民隱攸關神
叢是託新

法與掌故離合靡
常詔令典教條東
西易得舞文不已
玄籍系之仕者之
耳目密移成生之
脂膏暗吸此其凶
于而國

松江府志序

六

不在穢史謗書之
下乃總其條貫周
爰諮詢參考異同
歸之畫一使周車
炳於指路禹鼎凜
乎伏茲此又公之
深心造詣吾

松江府志序

七

松柱嘉既者也。是役也，一事而三善備焉。鑒裁精也，荷擔勇也，翕受靈也，殺青既竟而猶以施設未盡為愧。孔子曰：我欲載之空言，不如見諸行事。宛然春秋法也哉！不佞昌多暇人也，田光之魂已消，趙孟之倫無改，不能具研削以從，獨以及見河清為

松江府志序

八

幸而附名末簡云爾

賜進士第資善大夫南京
禮部尚書前禮部左侍
郎兼翰林院侍讀學士
詹事府詹事掌南京翰
林院事
實錄副總裁

經筵講官郡人董其昌撰

并書



脩志始末記

郡伯禹脩方公祖下車以來一塵不染百廢具興歲穰人和惟焚香披閱圖史而已展及顧文僖公舊志屈指百二十年人文漸覺凋落有感於大方伯七澤張公之勤請也申之臺察謀之寮屬諏吉告文於方正學先生而薦紳孝秀咸集焉約十日一赴求忠書院分曹議之久則或至或否未脩志始末記

久之凡郡中零星故實亦無復有投獻掌記者矣於是郡伯敦趨不佞儒更坐儒廬巡避如前俞彥直曰我將助子先大夫秋錄志事秘笈中竊嘗欲稟承先志以成一郡之書鳩異聞蒐佚籍移舟不憚千里挑燈每及五更今且傾筭授子矣儒大喜乃繇山入郡不佞佳東頭彥直佳西頭繪圖雕束始肇厥工而郡伯又聘章吉甫以匡

儒之不逮儒謂吉甫曰自來脩志於於脩史吾獨謂史易而志難史有起居註有編管章奏事繫歲歲繫月月繫日先後班班可考鏡而志有是乎一難也史不得求之譜今故家子姓如郊子之能言其祖王弘日對千客而不犯一人之諱者誰乎堂構雖仍譜系不熟一難也先輩陸澄有地里書顧野王有輿地志非郡史材乎目脩志始末記

前了無可尋即楊潛徐碩張之翰孫鼎諸舊本亦類龜毛兔角矣一難也倭奴竊內地轉餉徵師闕未書城上海邑青浦闕未書鄭僉憲均田林侍御均糧徐中丞均稅闕未書張江陵下履畝之令縮弓溢額闕未書海忠介濬吳淞闕未書嘉靖辛酉萬曆戊子戊申大災大賑闕未書十年編里甲五年編收解闕未書諸如此類書之則

其詞不雅馴雅馴矣而情形不必其精
洞達一難也史臣祕在禁廷監以勲戚總
以公孤雖外僚不敢妄窺著作尺寸之地
今圖史縱橫於蓬牖賓朋剝啄於衡門一
難也儒以七十四老人荷擔一百二十年
曠典狹書細字複界重行贖贖行霧露中
耳且才者遜之而拙者任之上衰遜之而
布永任之又一難也志之難如此可奈何
脩志始末記

三

吉甫曰是不難頃奉郡檄人物如史例生
不立傳矣郡伯留

覲得從容設嚴以觀厥成干旄不時至矣
廩餼不時餽矣舊志徵引書籍寥寥無幾
今采輯至三四千卷餘如

累朝之實錄及省直郡縣之通志拈出無
遺儲畜多則排綴便矣同事者或工於考
古或敏於濡削或嚴於訂訛或密於收納

部署少者助若老健者助若鈍同事踰年
俱銷歸於太和鑪冶中矣志何甚難之有
陳子曰善乃與諸君子剋期竣事稿甫脫
而剞劂隨之視顧志卷帙頗多歲月頗速
而整齊精簡以補隆萬之遺則侯彥直歸
而謀之而余志始無憾僕力已止此汲深
窘於短綆道遠躓於疾行志雖不工不愈
於今人而姑待後人今歲而復待他歲
脩志始末記

四

予若其中役法荒政郡伯謂東南民力民
命所關不惜饒舌盡言之而小叙之似諷
似諫則區區微寓芻蕘倘亦司牧者問繼
間耕師蟻師馬之少助哉此崇禎庚午辛
未脩志之始末也是為記

郡布衣陳繼儒謹書